

uum / 0053 / um / 22-09-2001 / p: 4 (1)

Kemudahan lebih baik

untuk PALAPES UUM

PASUKAN Latihan Pegawai Simpanan (PALAPES) Universiti Utara Malaysia (UUM) akan mendapat beberapa kemudahan baru termasuk sebuah padang sasaran menembak 400 meter, tidak lama lagi.

Di samping itu menurut Naib Canselor UUM, Prof. Datuk Dr. Ahmad Fawzi Mohd. Basri, untuk kemudahan PALAPES, UUM juga akan melebarkan padang kawad yang sedia ada.

"Kompleks kediaman pelajar yang baru dibuka berhampiran markas PALAPES dan Kompleks Sukan UUM akan dijadikan kolej kediaman khas untuk pelajar yang menganggotai PALAPES dan pelajar yang aktif dalam sukan," katanya ketika

berucap pada majlis penutup Ujian Kemahiran Menembak PALAPES UUM 2001 di lapang sasaran Bukit Pinang, Sintok, Kedah, baru-baru ini.

Tambah Dr. Ahmad Fawzi, kemudahan-kemudahan yang disediakan itu adalah sebagai persiapan UUM untuk menjadi tuan rumah istiadat perbarisan dan penyerahan watak tauliah PALAPES Malaysia pada 2003 nanti.

Sementara itu, pada acara Ujian Kemahiran Menembak PALAPES UUM, pegawai kadet kanan, Hasrul Nizam muncul sebagai jaguh menembak dan Kompeni Mahawangsa pula muncul juara keseluruhan antara kompeni PALAPES UUM.



KOMPENI Mahawangsa yang menjadi juara Ujian Kemahiran Menembak PALAPES UUM 2001 di Sintok, Kedah, baru-baru ini.